



შირაკი

SHIRAKI

გამოცემის მე-80 წელი

გამოცემის 1937 წლიდან
დადოქტრის წყაროს მუნიციპალიტეტის გაზეთი

№47 (9.808)
2 - 9 დეკემბერი 2017 წელი

ფასი: 50 თეთრი
ყოველკვირული გამოცემა

დადოქტრის წყაროს მერმა მოადგილეები წარადგინა



მმ.3



მმ.4

ანსამბლ
„იველის“
10 წლის
იუბილეზე

არხილოსკალოსა
და
არბოშიკში
მიწის
რეგისტრაციის
პროექტი
ინჟეხა
მმ.3

კახეთში
მუნიციპალური
ნაბავსაყრელების
დაიხსურება და
რეგიონული
პოლიგონი
მოეწყობა
მმ.2

აივ/შიდსი
არ ნიშნავს
სასიკვდილო
ღიაბნოზს
მმ.6

მმ.8
ქაბლავის „პროტესტი“

ვის აკუთვნის „შავი
ოქრო“?
მმ.5

დედოფლისწყაროს მერმა მოაღბილეუბი წარადგინა

დედოფლისწყაროს მუნიციპალიტეტის მერიაში მერის, ნიკოლოზ ჯანიაშვილის ხელმძღვანელობით სამუშაო შეხვედრა გაიმართა. თათბირს ადმინისტრაციულ ერთეულებში მერის წარმომადგენლები, ა(ა)იპ-ების, მერიის სტრუქტურული ერთეულების ხელმძღვანელები და განყოფილების უფროსები ესწრებოდნენ.

შეხვედრაზე ნიკოლოზ ჯანიაშვილმა მოაღბილეუბი წარადგინა. მერის გადაწყვეტილებით, მისი პირველი მოადგილის თანამდებობას სოლომონ ლორაშვილი დაიკავებს, მოადგილის კი-

ლხაზ მერაბიშვილი. სოლომონ ლორაშვილი 2012 წლიდან გამგებობის ინფრასტრუქტურის სამსახურის უფროსი იყო, ხოლო 2014 წლიდან გამგებლის მოადგილე. დღემდე დედოფლისწყაროს მუნიციპალიტეტის მერიის ადმინისტრაციაში მუშაობდა მალხაზ მერაბიშვილიც. 2014 წლიდან ის ადმინისტრაციულ ერთეულებთან ურთიერთობისა და კოორდინაციის განყოფილებას ხელმძღვანელობდა.

სამუშაო შეხვედრაზე დედოფლისწყაროს მერმა თანამშრომლებთან ერთად საახალწლოდ დაგეგმილ ღო-

ნისძიებებზე ისაუბრა. ნიკოლოზ ჯანიაშვილმა არ გამოიცილა საკადრო ცვლილებები და აქცენტი სოფლის რწმუნებულებზე გააკეთა. „დიდი პასუხისმგებლობით უნდა მოვეციდეთ ჩვენს საქმეს. ყველამ უნდა ვააცნობიეროთ, რომ მოვალეობა და პასუხისმგებლობა აუცილებელი ფაქტორია იმისთვის, რომ ქვეყნისა და მუნიციპალიტეტის საქმე გაკეთდეს. ყველამ ჩვენი წილი ავური უნდა დავდეთ ქვეყნის მშენებლობაში“ - აღნიშნა მუნიციპალიტეტის მერმა ნიკოლოზ ჯანიაშვილმა.



სოლომონ ლორაშვილი დაიბადა 1956 წლის 10 მარტს სოფელ მირზაანში. 1978 წელს დაამთავრა საქართველოს პოლიტექნიკური ინსტიტუტის მექანიკა-მანქანათმშენებლობის ფაკულტეტი. 1978-1983 წლებში სოლომონ ლორაშვილი ქარხანა „გრუსხემელში“ განყოფილების გამგედ, 1983-1986 წწ სოფელ მირზაანის კოლმეურნეობის მთავარ ინჟინრად, 1986-1994 წლებში კი დედოფლისწყაროს მეფრინველეობის მთავარ ინჟინრად და განყოფილების გამგედ მუშაობდა. 1999-2012 წწ ის შპს „მირზაანს“ ედგა სათავეში. სოლომონ ლორაშვილი 2012 წელს დედოფლისწყაროს მუნიციპალიტეტის გამგებობაში ინფრასტრუქტურის სამსახურის უფროსად დაინიშნა, სადაც 2014 წლამდე მუშაობდა. 2014 წლიდან მან დედოფლისწყაროს მუნიციპალიტეტის გამგებლის მოადგილის, ხოლო 2017 წლის ნოემბერში დედოფლისწყაროს მუნიციპალიტეტის მერის პირველი მოადგილის თანამდებობა დაიკავა.

მალხაზ მერაბიშვილი დაიბადა 1976 წლის 12 ნოემბერს დედოფლისწყაროში. 1994 წელს დაამთავრა სოფელ არხილოსკალოს საშუალო სკოლა და სწავლა საქართველოს აგრარულ უნივერსიტეტში განაგრძო. სტუდენტობის პერიოდში ის სამხატვრო კომბინატში ხარისხის კონტროლის სამსახურში, მისი დასრულების შემდეგ კი დედოფლისწყაროს მუნიციპალიტეტის ახლაგაზრდულ დეპარტამენტში მუშაობდა. ევროსაბჭოს მიერ დედოფლისწყაროში განხორციელებულ სოფლის მეურნეობის განვითარების პროექტს მერაბიშვილი 2005-2007 წლებში ხელმძღვანელობდა, 2007-დან 2010 წლამდე კი საკრედიტო კოოპერაციის აღმასრულებელ დირექტორად მუშაობდა. მალხაზ მერაბიშვილი 2014 წლიდან დედოფლისწყაროს მუნიციპალიტეტის გამგებობაში ადმინისტრაციულ ერთეულებთან ურთიერთობისა და კოორდინაციის განყოფილებას ხელმძღვანელობდა. 2017 წლის ნოემბერში მან დედოფლისწყაროს მუნიციპალიტეტის მერის მოადგილის თანამდებობა დაიკავა.



არხილოსკალოსა და არბოშიკში მიწის რეგისტრაციის პროექტი იწყება



საქართველოს იუსტიციის სამინისტროს საჯარო რეესტრის ეროვნული სააგენტოსა და მსოფლიო ბანკის წარმომადგენლები დედოფლისწყაროს მუნიციპალიტეტის მერს, ნიკოლოზ ჯანიაშვილს შეხვედნენ. შეხვედრა მიზნად ისახავდა დედოფლისწყაროს ადგილობრივი ხელისუფლებისთვის მიწის სისტემური რეგისტრაციის საპილოტო პროექტის გაცნობას, რომელიც 4 დეკემბერს დაიწყო და ჩვენი მუნიციპალიტეტის ორ სოფელში-არხილოსკალოსა და არბოშიკში განხორციელდება. პროექტის ფარგლებში, საჯარო რეესტრის ეროვნული სააგენტო საკარმიდამო და სასოფლო-სამეურნეო დანიშნულების მიწის ნაკვეთების რეგისტრაციისთვის საჭირო ყველა პროცედურას ადგილობრივი ხელისუფლების დახმარებით, მოქალაქის ნაცვლად, უფასოდ შეასრულებს.

საპილოტო პროექტი წინასწარ შერჩეულ გეოგრაფიულ არეალებში, კონკრეტულად კი საქართველოს 12 დასახლებაში განხორციელდება და სამ თვეში დასრულდება.

მერიაში გამართულ შეხვედრას დედოფლისწყაროს მუნიციპალიტეტის მერის მოადგილე მალხაზ მერაბიშვილი, საკრებულოს თავმჯდომარის მოადგილე გორჩა სამუკაშვილი და ადგილობრივი ხელისუფლების სხვა წარმომადგენლები ესწრებოდნენ.

გურჯაანში მანანალა ძაღლების თავშესაფარი გახსნა



სულ მალე ერთერთი ყველაზე მტკივნეული პრობლემის გადაჭრა დაიწყება. მანანალა ძაღლების თავშესაფარი გურჯაანში აშენდება და მთელ რეგიონს მოემსახურება. მშენებლობა მომავალი წლისთვისაა დაგეგმილი და ამაში მონაწილეობას წინასწარი ინფორმაციით, ყველა მუნიციპალიტეტის მერია მიიღებს.

გავრცელებული ინფორმაციით, გურჯაანის 2018 წლის ადგილობრივი ბიუჯეტის პროექტში უპატრონო ძაღლებისთვის თავშესაფარის მოწყობის მიზნით 100 000 ლარი უკვე გაითვალისწინეს. საკითხზე მუშაობენ სხვა თვითმმართველოებიც, რომლებიც ასევე გეგმავენ პრობლემის მოსაგვარებლად ფინანსური სახსრები მომავალი წლის ბიუჯეტში გაითვალისწინონ.

სამუშაო ვერსიით, კახეთის მასშტაბით დაჭერილ უპატრონო ძაღლებს გურჯაანში გადაიყვანენ და სპეციალურ თავშესაფარში მოათავსებენ. რეგიონში მანანალა ძაღლების პრობლემა წლებია არსებობს და მოსახლეობამ საკითხის მოგვარება არაერთხელ მოითხოვა. თუმცა, ხელისუფლება დიდი ხნის წინაშე დგას, მანანალა ძაღლების წინააღმდეგ მანამდე არსებულ არაპუნანურ გზებს ვერ მიმართავს, მეორეს მხრივ კი ძაღლების მომრავლება მოსახლეობას აწუხებს. ერთადერთი გამოსავალი ძაღლების თავშესაფარში გადაყვანაა, რომელიც რეგიონში ამ დრომდე არ არსებობს.

ანსამბლ „იმედი“ 10 წლის იუბილეზე

ჩვენამდე მოღწეული არქეოლოგიური და უძველესი ლიტერატურული ძეგლებით დასტურდება, რომ ქართულ ხალხურ ქორეოგრაფიას მრავალსაუკუნოვანი ისტორია აქვს. ჩვენი ქვეყნის სხვადასხვა კუთხის ადათ-წესებისა და თამაშობების რიტუალუბთან შერწყმამ საცეკვაო ელემენტებთან



განაპირობა ის, რაც საქართველოს გამორჩეულ სხვა ქვეყნებისგან თავისი ორიგინალურობით და ისტორიით, რომელიც გადმოგვცემს ჩვენი ქვეყნის განსაკუთრებულ კულტურას და წეს-ჩვეულებებს.

„ქართული სული, ვაჟაკადურ ცეკვებში
ამღერებულნი,
ხან დინჯი, რაგორც დილეო, ხან ფიცხი,
გახელებული,
მკლავებში გამომწვევადი, ოცნება,
უსაზღვროება,
ქალ-ვაჟთა ტრფობის უკვდავი და უნაწესი
პოემა,
რაც კი უხსოვარ დროიდან ჩვენს გულში
ცეცხლად ანთია,
ქართველ ხალხს, ქართულ ცეკვებში
ჩაუქსოვ-ჩაუხსატია.“

ამ სიტყვებით გახსნა ყველასათვის საყვარელმა ნამყვანმა, ცარო მარტიამილიმა ქორეოგრაფიულ ანსამბლ „იმედი“ საიუბილეო ღონისძიება.
ქორეოგრაფიული ანსამბლი „იმედი“ 2007 წელს დაარსდა დედოფლისწყაროში. 10 წელი გავიდა მას შემდეგ და ამ დღის აღსანიშნავად, 30 ნოემბერს კულტურის სახლის სააქტო დარბაზში საიუბილეო საღამო გაიმართა. ამ წლების მანძილზე

მათ მუნიციპალიტეტში და მის ფარგლებს გარეთ უამრავ კონცერტზე, დათვალერე-ბაზე, ფესტივალზე მიიღეს მონაწილეობა და ყოველთვის დიპლომებით, სიგელებითა და მედლებით ხელდამშვენებულები ბრუნდებოდნენ უკან. იგი ასევე ბულგარეთში გამართული საერთაშორისო ფოლკლორის „ვარსკვლავთცვენის“ მონაწილე და პრიზიორია. აქვე უნდა აღინიშნოს, რომ მათ მიერ ჩატარებული ყველა კონცერტი საქველმოქმედო ხასიათისაა.

2013 წელს კონცერტიდან შემოსული თანხა, მახათას მთაზე სამონასტრო კომპლექსის და წმინდა ელია თეზბიტელის სახელობის ტაძრის მშენებლობებს მოხმარდა.
2014 წელს „იმედის“ მიერ გამართული კონცერტიდან შემოსული თანხა მთლიანად გადაეცა შეზღუდული შესაძლებლობების მქონე პირებს.
2015 წელს აგვისტოს ომში დაღუპულთა ოჯახებს დაუდგინეს გვერდში, ხოლო გასულ წელს ჩატარებული კონცერტიდან შემოსული თანხა მთლიანად „სოლიდარიზმის ფონდს“ გადაეცა.

30 ნოემბერს გამართული კონცერტი, რომელიც ასევე კონკრეტული ქველმოქმედებისთვის იყო გამიზნული, საინტერესო და დატვირთულ პროგრამას მოიცავდა. აქ წარმოდგენილი იყო საქართველოს თითოეული კუთხის ცეკვა, რომელშიც ანსამბლის ქორეოგრაფის, პედაგოგ ხვიჩა ზუბიაშვილის ხელნერა შეინიშნებოდა, რადგან თვითმყოფადობა და სრულიად თავისებური ცეკვის სტილი გამოარჩევს მათ სხვებისგან. ხვიჩა მასწავლებლის მოსწავლეა №1 სჯარო სკოლის მეთერთმეტეკლასელი გიორგი ნატროშვილი, რომელიც წელიწადზე მეტია, გვერდში უდგას ანსამბლს და ცდილობს, მიღებული გამოცდილება ახალბედებს გაუზიაროს. გიორგის გადაწყვეტილი აქვს, ქორეოგრაფიულ სასწავლებელში სწავლის გაგრძელება.
საღამოზე ფართო სპექტრით იყო

წარმოდგენილი ქართული ცეკვები. ერთმანეთს ენაცვლებოდნენ „სამაია“, „აჭარული“, „ხორუმი“, „დავლური“, „დაისი“, „ოსური“, „ქალთა მთიულური“, „სატრფილო“, „ყაზბეგური“. ტრადიციას არ უღალატეს და ანსამბლს გვერდით დაუდგინეს ვოკალური დუეტები ელენე ლვინიაშვილისა და მარიამ ყოჩიაშვილის სიმღერით „თბილისი“ და მალვინა ისმაილოვასა და ანასტასია ყოჩიაშვილის სიმღერით „შემოდგომა“ (კედ.ნინო ნიკაშვილი). გოგონების არაჩვეულებრივმა ხმის ტემბრმა და პროფესიონალურმა ნამღერმა მაყურებლის დიდი ოვაციები დაიმსახურა. კონცერტს რამოდენიმე სიმღერით სტუმრობდა „ნიჭიერის“ მონაწილე სოფ. სამრეკლოდან ნათია პაპუაშვილი, რომელმაც ასევე კიდევ ერთხელ აღაფრთოვანა მსმენელი. კონცერტს ჰყავდა დებიუტანტი ირაკლი ბეგიაშვილი, რომელმაც თავისი ნამღერით სასიამოვნო სიახლე შემოიტანა საღამოზე.
საღამოს დასასრულს, ანსამბლმა ტრადიცია არ დაარღვია და მოწვეული საპა-

ტიო სტუმარი, ყველასთვის კარგად ცნობილი მომღერალი, ლევან ლაზარიშვილი წარუდგინა მაყურებელს თავისი საინტერესო რეპერტუარი. გასულ წლებში მათ საქველმოქმედო კონცერტებს სტუმრობდნენ ნატო გელაშვილი, ნუგზარ კვაშალი, ნიკოლოზი და სხვები.
საიუბილეო ღონისძიების დასასრულს ანსამბლმა განსაკუთრებული მადლობა გამოუცხადა N1 სჯარო სკოლის დირექტორს ეთერ ოთარაშვილს იმ ყურადღებისა და თანადგომისათვის, რასაც ის წლების განმავლობაში იჩენს „იმედის“ მიმართ. კონცერტიდან შემოსული თანხაც სკოლას გადაეცა საჩუქრად.
საქველმოქმედო-საიუბილეო კონცერტს უამრავი მაყურებელი ჰყავდა. გადაჭედულ დარბაზს ოვაციებით ავსებდნენ მონაწილეთა მშობლები, პაპა-ბებიები და გულშემოხატულები. აქ იმყოფებოდნენ გამგობისა და საკრებულოს წარმომადგენლები და კულტურის სფეროს ყველა თანამშრომელი.

მასალა მოამზადა ელზა ხარაშვილმა



კ ი დ ე ვ ე რ თ ი ლ ა მ ა ზ ი დ ღ ე

29 ნოემბერს მოსწავლე-ახალგაზრდობის სახლმა ჩაატარა კიდევ ერთი „მხიარული და საზრიანი“ ღონისძიება „მანსანკანი“. ეს იყო შემოდგომის სეზონის 1 ტური ქედის ზონაში. ღონისძიება ჩატარდა არხილოსკალოს სკოლაში, რისთვისაც მადლობას ვუხდით სკოლის დირექტორს მაია სიმონიძეს.
კონკურსში ერთმანეთს ეჯიბრებოდა ორი გუნდი: არხილოსკალოს მასპინძელი გუნდი „ გაუქმდა, გაუქმდა“ და ზემო ქედის N1 სკოლის გუნდი „შერეკილები“.
დებულების მიხედვით გუნდებს ჰქონდათ ოთხი დავალება: მისალმება,

საშინაო დავალება – სავიზიტო ბარათი, ერთი სიმღერის კონკურსი და კითხვა-პასუხი.
თვითნებ დავალებას ეთმობოდა 3-5 წუთი და მოითხოვდა იუმორისტულ, მაგრამ ამავე დროს საზრიან და შინაარსიან პასუხებს. ორივე გუნდი საკმაოდ მონდომებით ასრულებდა მიცემულ დავალებებს, განსაკუთრებით სახალისო და საინტერესო იყო ბლიც კითხვები, რომელსაც სვამდა ღონისძიების ავტორი და ნამყვანი თამარ აბულაძე. ორივე გუნდის პასუხები იყო იუმორისტულიც და თემატურადაც გამართული. თუმცა, მეტი ქულები მოაგროვა ზემო ქედის „შერეკილებმა“ და

ფინალში მონაწილეობის „საგზურიც“ მან მიიღო. გამარჯვებული გუნდი სიგელით დაჯილდოვდა.
ფინალამდე კი კიდევ საშემოდგომო სეზონის ორი ტური გვაქვს ჩასატარებელი რაიონის სკოლებს შორის და ე.წ. „მაჩხანის“ ზონაში. მათგანაც გამარჯვებულები მონაწილეობას მიიღებენ ფინალში. ფინალი გაიმართება გაზაფხულზე, შემოდგომის ტურები კი უახლოეს დროში.
კონკურსს აფასებდა ფიური შემდეგი შემადგენლობით: განათლების, კულტურის, ძეგლთა დაცვის, სპორტისა და ახალგაზრდობის სამსახურის უფროსი თამარ თამაზაშვილი,

რესურსცენტრის უფროსი ეთერ დავითაშვილი, სააღმზრდელო ცენტრის სპეციალისტები: ეკა პოპიაშვილი და ნინო კვინინაშვილი, მოსწავლე-ახალგაზრდობის სახლის პედაგოგი მაცყალა მაძღარაშვილი.
ღონისძიებამ საკმაოდ კარგად შეასრულა თავისი მისია – ერთი ლამაზი დღე გვაჩუქა ჩვენც – მსმენელებს და მონაწილე ბავშვებსაც.
მადლობა ყველას, ვინც ხელი შეგვიწყო ამ ღონისძიების ჩატარებაში. ჩვენ კი – მოსწავლე-ახალგაზრდობის სახლი, კიდევ ბევრ ლამაზ დღეს გპირდებით.
თამარ. ლაპიაშვილი

ფოტოკომპანი



ვარდიკო ზოსტომანაშვილი

ათეული წლების მანძილზე რაიონული კლინიკის მედდა, ამჟამად მარტოხელა, 85 წლის პენსიონერი, შრომისუსუნარო, უსახლკარო, არის სათნოების სახლის ბენეფიციარი, წლებია, მდგმურად ცხოვრობს, თუმცა, შეწყვეტილი აქვს, როგორც სოციალური დახმარება, ასევე ბინის ქირით დაფინანსება. რედაქცია დაინტერესდა, თუ რატომ შეუწყდა ასეთ მიუსაფარ ადამიანს ეს დახმარებები და მივმართეთ სოციალური სამსახურს, საიდანაც გვაცნობეს, რომ აღნიშნულ პიროვნებას 2015 წლიდან შეწყვეტილი აქვს სოციალური

დახმარება, რადგან მას არ აქვს ელექტროენერჯის და გათბობის ინდივიდუალური მრიცხველები, ბინის მეპატრონესთან ერთად ირიცხება დეკლარაციაში და მისი საცხოვრებელი პირობები ვეღარ აკმაყოფილებს სოციალურად დაუცველის სტატუსის მინიჭებას ქულათა რაოდენობის მიხედვით. მიუხედავად ამისა, აქვს საშუალება, ისარგებლოს უფასო მედიკამენტებით. რაც შეეხება ბინის ქირის შეჩერებას, აქაც იგივე ბინა აღმოჩნდა მიზეზი, რომელშიც ვარდიკო ცხოვრობს, რადგან სახლის მეპატრონეს არ აქვს იგი


საჯარო რეესტრში დარეგისტრირებული და გამგეობა ვეღარ უზრუნველყოფს პირს საცხოვრებელი ფართის ქირის გადახდით.
ერთადერთი, რის გაკეთებაც შეეძლებოდა მისთვის, ვცადეთ, აგვეხსნა, შეეცვალა საცხოვრებელი ადგილი, რათა მას მისცემოდა საშუალება, დაებრუნებინა სოციალურად დაუცველის სტატუსი და ესარგებლა ბინის ქირის დაფინანსებით, თუმცა, მან სხვადასხვა პირადი მიზეზების გამო აღნიშნულზე უარი განგვიცხადა.

ქეგლები „პროტესტი“

ილია ჭავჭავაძეს, აკაკი წერეთელს, გალაკტიონ ტაბიძეს, დავით გურამიშვილს, კონსტანტინე გამსახურდიას, მიხეილ თუმანიშვილს, მუზას ფილარმონიის წინ და სხვებს თბილისში სუნთქვა აღარ შეუძლიათ, ამიტომაც მათ პირბადეები აიკრეს. ეს მესიჯი „წინაგზადის ნიშნებმა“ გააჟღერეს — მოხალისეების ჯგუფმა საკუთარი პროტესტი ჰაერის დაბინძურების თაობაზე ამ ფორმით გამოხატა. გუშინ, პირბადიანი ძეგლების საკითხით შინაგან საქმეთა სამინისტროც დაინტერესდა და გაისმა განცხადებები საქმის აღძვრის თაობაზეც უცნობი აქტივისტების გამოვლენისა და დასჯის მიზნით. თბილისის ვიცე მერმა ირაკლი ხმალაძემ კი საკითხს იმდენად სერიოზულად მოჰკიდა ხელი, რომ ამ ყველაფერში ძირითადი მესიჯი ხელიდან გაუშვა და ძე-

გლები შეურაცხყოფილად წარმოაჩინა. თუმცა, სიტუაციაში გარკვევის შემდეგ, პოზიცია შეიცვალა და როგორც თბილისის მერმა კახა კალაძემ განაცხადა, „ის ორი დღეა, პირბადით დიდის“... შინაგან საქმეთა სამინისტრო აცხადებს, რომ საქმისთვის მსვლელობა არ მიუცია. რედაქციებმა კი მიიღეს ფერადი ასოებით აწყობილი წერილები აქციის ავტორებისგან, სადაც მითითებულია ისიც, რომ ძეგლებს პირბადეებს სამ დღეში მოხსნიან. ჰაერის დაბინძურების მაჩვენებელი, რაც აქციის ძირითადი თემა გახლდათ, მართლაც საგანგაშო დღევანდელ საქართველოში. მიუხედავად დაპირებებისა მთავრობის მხრიდან, დაბინძურების მაჩვენებლის შესამცირებლად საჭირო ღონისძიებები არ გა-

ტარებულა. გასულ წელს გამოქვეყნდა ენერგეტიკის საერთაშორისო სააგენტოს კვლევა, რომლის თანახმად საქართველო ჰაერის დაბინძურების გამო სიკვდილიანობის ყველაზე მაღალი მაჩვენებლის მქონე ქვეყანაა. მას შემდეგ ხელისუფლებამ სააგენტოს ინფორმაციის განახლება მოსთხოვა და ახალი მაჩვენებლები წარუდგინა. ახლმა კვლევამ მდგომარეობა, მართალია, მსოფლიოში ყველაზე უარესი არაა, მაგრამ კვლევაც ძალიან მძიმე არევენა. თამარ ბაგრატია, გარემოს ეროვნული სააგენტოს ხელმძღვანელი ამბობს: „გარემოს ეროვნული სააგენტო არის უწყება, რომელიც ახორციელებს ჰაერის ხარისხის მონიტორინგს ჩვენს ქვეყანაში. ინდიკატორული გაზომვები ასევე მონიტორინგის სადგურები სხვადასხვა ქალაქებში გვაჩვენებს, რომ იკვეთება ადგილები, სადაც ჰაერის სხვადასხვა დამაბინძურებლის მოცემულობა აღემატება ზღვრულად დაშვებულ ნორმას. ასეთი ქალაქებია: თბილისი, რუსთავი, ბათუმი, ქუთაისი. ყველაზე პრობლემურ ჰაერის დამაბინძურებლად იკვეთება მყარი შენობილი ნაწილაკები, ანუ მტვერი. გვაქვს შემთხვევები, როდესაც დაბინძურება ერთჯერად ზღვრულად დასაშვებ ნორმას აღემატება რამდენჯერმე. მეორე ყველაზე პრობლემური დამაბინძურებელი, რა მიმართულებითაც გვაქვს ყველაზე მეტი გადაამეტება, არის აზოტის დიოქსიდი, რისი მთავარი წყარო გახლავთ ტექნიკურად გაუმართავი ავტომობილები. მყარი



შენილი ნაწილაკების წყარო კომპლექსურია. ის შეიძლება იყოს როგორც მშენებლობა, მოუნესრიგებელი ინფრასტრუქტურა და ასევე გაუმართავი ავტომობილები. იმის შესახებ, თუ რა ნაბიჯებს დგამს სახელმწიფო ჰაერის დაბინძურების მაჩვენებლის შესამცირებლად და არის თუ არა ეს ადექვატური რეაგირება არსებული პრობლემიდან გამომდინარე, თამარ ბაგრატი გვპასუხობს: „მე შემიძლია გითხრა, რა უნდა გაკეთდეს ზოგადად და ასევე ის, გარემოს ეროვნული სააგენტოს კომპეტენციის ფარგლებში, რა კეთდება. სხვა უწყებებმა თავისი კომპეტენციის ფარგლებში

უნდა გიპასუხონ ამ კითხვაზე. ჩვენ ბოლო ორი წლის განმავლობაში, ჰაერის მონიტორინგის კუთხით და მის შესახებ ინფორმაციის გასაჯაროების კუთხით მოვახდინეთ სრული გარდატეხა (ჯერ კიდევ გასული წელს, საქართველოში, შესაბამისი აპარატურის არარსებობის გამო შეუძლებელი იყო ჰაერის დაბინძურების დონის გაზომვა,) ჰაერის. დღეს ჩვენ გვაქვს უახლესი ავტომატური სადგურები თბილისში, ქუთაისში, ბათუმში. ჩვენ ვაკეთებთ ინდიკატორულ გაზომვებს, რომელიც საერთოდ არ კეთდებოდა ადრე და გვაქვს მონაცემები იმის თაობაზე, როგორ ჰაერს ვსუნთქავთ.“

ახალი ბანა გვანაბრითიანებს

5 დეკემბერს, სამშაბათს, თბილისის ოპერისა და ბალეტის სახელმწიფო თეატრში უწმინდესისა და უნეტარესის, საქართველოს კათოლიკოს-პატრიარქის ილია მეორის კურთხევით ტარდება საქველმოქმედო გალა-კონცერტი, რომელშიც მონაწილეობას მიიღებენ მსოფლიო დონის საოპერო ვარსკვლავები: კონცერტის ინიციატორი და ინიციატორი გიორგი გაგნიძე, ჩვენი თანამემამულე ლადო ათანელიშვილი, იანო ალიბეგაშვილი, თამარ ივერი, შალვა მუჭერია, ქეთევან ქემოკლიძე, ნანა ქავთარაშვილი, მიხეილ კოლეიშვილი, ზურაბ ზურაბიშვილი, თამთა

ტარიელი, ნინო ლეჟავა თბილისის ოპერისა და ბალეტის სახელმწიფო თეატრის ორკესტრი (დირიჟორი მამუკა ზაზა აზმაიფარაშვილი) სამების გუნდი. შემოსული თანხა მოხმარდება ხაშურისა და სურამის ეპარქიაში მშენებარე ქართული სულიერებისა და ცოდნის ახალი ტაძრის ბანას მშენებლობას. ახალი ბანა იქნება ანალოგი იმ უძველესი ტაძრის, რომელიც დღეს თურქეთის ტერიტორიაზე დარჩენილი და მხოლოდ მისი ნანგრევებია შემორჩენილი. ილია მეორის ხელდასმით ბანას ანალოგი ტაძრის მშენე-

ბლობას უძღვება ხაშურისა და სურამის ეპარქიის ეპისკოპოსი მეუფე სვიმეონი (ცაკაშვილი). **ცნობისთვის:** მეუფე სვიმეონი წარმოშობით ჩვენი თანამემამულეა, იგი ზემო მანხანაელია და საეკლესიო ცხოვრების დასაწყისში სწორედ მისი ინიციატივით შეკეთდა ზემო მანხანაში წმინდა გიორგისა და მთავარანგელოზის ეკლესიები. მის მიერ განვლილი ცხოვრე-

ბისა და მოღვაწეობის შესახებ ჩვენ უახლოეს მომავალში მოგიხსნათ. ახლა კი მხარში დაუდგეთ ჩვენს თანამემამულეს ამ დიდსა და საშვილიშვილო საქმეში. გალა კონცერტის პირდაპირი ტრანსლაცია სოციალური ქსელით შეგიძლიათ იხილოთ. შეგიძლიათ, მონაწილეობა მიიღოთ ქველმოქმედებაში. არ დაიზაროთ და დარეკეთ ტე-

ლეფონის ნომერზე - 0 901 700 307. ასევე, ნებისმიერ დროს შეგიძლიათ, შესაძლებლობის ფარგლებში, გადარიცხოთ თანხა ანგარიშის ნომერზე: • თბილისი ბანკი: GE 13 TB 7894136050100003 • საქართველოს ბანკი: GE 34 BG 000 000 090 143 73 00 **მამ ერთად ავაგოთ სულისა და ცოდნის „ახალი ბანა“-ს ტაძარი.**

ულოცავებ!

თამილა ნადირაშვილს!

ჩემო საყვარელო შვილო, თამილა, გილოცავ დაბადების დღეს, გისურვებ ჯანმრთელობას, ბედნიერებას ძმასთან და მის ოჯახთან ერთად. ღმერთის წყალობა არ მოგკლებოდეს. **ლილი გომილაშვილი.**

ახალი ბანა
სამონასტრო საბანაშენო სამუშაო

ანგარიშის ნომერი: **GE34BG0000000901437300**

გამთი, ჯაოხაული, გილაინი
0 901 700 307
ზარის ლირაბუბაა 1 ლარი

პატრიარქის კურთხევით და ერთად დამოძირებული ისტორიული მომავალა

ავაგოთ სულისა და ცოდნის „ახალი ბანა“-ს ტაძარი!

#ბანაგვანაბრითიანებს

ამინდი		დედოფლისწყარო		სურამი		ქუთაისი		თბილისი		ზუგდიდი		
ორშაბათი 04.12	სამშაბათი 05.12	ოთხშაბათი 06.12	ხუთშაბათი 07.12	პარასკევი 08.12	შაბათი 09.12	კვირა 10.12	დღე	ღამე	დღე	ღამე	დღე	ღამე
5°	3°	4°	3°	0°	-2°	-2°	-4°	0°	-1°	0°	-1°	

გამომცემელი შპს „შირაპი“
დირექტორი **ინგა შილაშვილი**

სარედაქციო კოლექტივი: **ლალი მახარაშვილი, ილია მარტყოფიშვილი (ჟურნალისტიკა); ელზა ხარაშვილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).**

რედაქტორი **ნაირა გორაშვილი-პოპიაშვილი**

სარედაქციო კოლექტივი: **ლალი მახარაშვილი, ილია მარტყოფიშვილი (ჟურნალისტიკა); ელზა ხარაშვილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).**

გაზეთი აიწყო და დაკაბადონდა „შირაპის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.